

中國地方志集成

河北府縣志輯 ⑱

光緒永平府志
(二)

上海書店 ● 巴蜀書社 ● 江蘇古籍出版社

永平府志序

同治九年

朝廷以北洋重地思得文武大臣坐鎮其間特

命合肥相國總督畿輔移駐天津公抵任亟亟籌海防內修文

序

教養人才課吏治兼纂通志檄各郡縣一律舉行智由灤州牧擢守永平下車伊始卽修書院購書籍俾多士以時講習復飭屬修志乘除灤州昌黎續修未久於是遷安樂亭撫甯等志相

繼成臨榆及盧龍亦將觀厥成

余嘉各大令之勤於編輯也而府志自乾隆中年增修此後缺焉莫考世事日新守土者可漫然置之耶爰敦請樂亭史香崖孝廉秉筆采訪校對分任書院

序

肄業士子不二年歲厥事蓋百餘年文獻燦然備具矣嘗考畿輔輿圖前襟大河背枕居庸右太行左滄海隆上都而朝萬國茂以加矣然列郡如大名廣平南接豫疆阻河爲界正定順德

西鄰晉地跨山爲藩要皆內地
鄰封無所謂邊防者卽宣化倚
邊天津際海邊與海相距奚啻
千里然則擁羣巒以爲城俯巨
壑以爲池其我永平一郡乎夫
永平古遼西地盧塞蜿蜒東走

序

三

邊牆高下城堡星羅由漢唐以
迄於明講求戰守之法者至詳
且備

國朝龍起大東定鼎幽燕中外
一家久已犁烽堠爲良田銷兵
戈爲農器然而古人之陳跡何

可沒也渤海迴環二千餘里而
永平適當其中沿海諸口俱可
乘潮內駛方今通商各國市埠
林立其所以嚴中外之防者可
不及時圖之耶夫事有伏於數
十年之先而見於數十年之後

序

四

者其機固不可不察也洪維
聖天子威棱遠播海鏡山明今
相國奉

命鎮撫華夷爲國家立久大之
業且使海濱之民目不見兵革
生斯世者抑何幸歟是編也成

其於通志有裨與否不敢知而
其防邊防海之策官斯土者於
此博稽前事度地揆時以爲未
雨之綢繆或不無一得之助也
光緒五年歲次己卯五月朔知
永平府事新化游智開撰

序

五

凡例

謹案永平爲古右北平遼西二郡地而遼西之地
居多五代以後分置平灤營三州而平營之名與
古相混山川人物每致誤牽金元郡乘今皆不傳
顧祖禹讀史方輿紀要紀明萬厯初閩人郭造卿
永平事有引金志云者在威南塘幕府網羅天下圖籍又復親歷薊北諸
邊遣卒出塞窮濡河源至再至三必得實乃已作
燕史數百卷蓋十年而後成又以其餘日作永平
志一百三十卷文雖晦澀而一方之掌故頗爲詳
備國初顧亭林遊於永平已稱其全書不可得
見則郭志之散佚非一日矣今之存者惟康熙乾
隆二志康熙志稱爲萊陽宋玉叔觀察撰次而非
出觀察一手體例未允考據多疏其所援引俱不
註書名變易原文難以徵信且有張冠李戴者乾
隆志體例較爲整齊而於前志所引古事古人仍
復承譌襲謬毫無辨證蓋以搆書無多是以因陋
就簡王澹人之跋固已自言之矣茲博考前聞逐
加釐訂古事古人必詳所出正其譌者十之三補
其闕者十之四搜討之艱同於創始爰發凡起例
如左

永平府志

卷首

凡例

一永平爲兩京孔道我朝

列聖相承屢

舉東巡盛典

翠華所莅

渙汗頻頒

宸章炳若日星

天恩沛如雨露舊志備載卷

首以爲冠冕今謹遵其例卽以行宮列於其後

一康熙志不分綱目事無統括乾隆志以入門爲綱

曰封域曰建置曰賦役曰學校曰官師曰選舉曰

人物曰藝文其條目則各以類從體例亦允茲特

仿景定建康志之例分圖表志傳於舊立綱目不

能不酌爲變通非苟異也

一古志乘多稱圖經蓋志地理者必詳輿圖也康熙

永平府志

卷首

凡例

二

志於圖太略而山川城郭遠近方向顛倒錯亂前

後複沓按之竟無一是處此蓋委之吏卒匠役未

經親歷而詳核之故爾乾隆間續修竟爲依樣之

畫殊屬草率茲於北境之邊南境之海或親爲履

勘或分委士人隨所至而筆記之卽隨所在而詳

繪之爲疆域總圖一疆域分圖七城圖七府治圖

一學宮圖一河道圖一邊城圖十六邊口圖十六

共圖五十庶令人開卷瞭然

一表目有六曰沿革曰水道歸合曰封爵曰職官曰

選舉曰列女志鮮有以列女入表者因此門收錄

最寬而保薦之辭尤多以套語勦襲千人雷同實

難成傳茲擇其事蹟昭著者列之傳中其餘盡以

表分列姓氏節孝貞烈壽依類序入顧不敢妄有

去取惟永郡風俗樸重不務鋪張潛德幽光往往

有采訪不及者爲之太息

一志目有五曰封域曰建置曰武備曰賦役曰藝文

視舊減入之三蓋官師選舉改爲表人物標曰傳

而學校卽歸於建置也舊志藝文收入散碎詩文

茲將散碎詩文少爲沙汰分附於各卷本事之下

而藝文止列書名卷數及撰著姓名亦漢書藝文

永平府志

卷首

凡例

三

志例耳

一傳目有四曰名宦曰鄉賢曰后妃曰列女名宦鄉

賢皆以史傳列首凡人物之具於舊志得諸新採

者分仕蹟行誼文學忠烈隱逸耆壽方伎流寓八

子目而史傳各人遇有嘉言懿行軼於正史之外

者必據其書附於各傳之後不欲有佚美亦不敢

有僞造也

一沿革表列史志於前繫論辨於後亦先按後斷之

義而州郡所統之縣雖總括其數要必擇其確係

此地及與此地有涉者載之餘俱從略

一水道歸合表以水名爲經以水之所在爲緯某水入某水某水又入某水入某水之水作小字受某水之水作大字以清眉目亦從雅存乾隆府廳州縣圖志例也

一封爵職官表以五等及文武階級爲經世代爲緯而於遠以前之營州元魏以前之平州各爵各官概行削去勿使混淆元姚樞姚燧史稱其先柳城人柳城縣非柳城軍機輔志誤收茲亦不敢妄牽一選舉表分三途曰進士曰舉人曰貢生以州縣爲經科分年代爲緯武科亦然而援例授職行伍出身者即分附於文武科名之後末以封廕殿之從其類也有傳者註有傳二字職官與列女表亦如此例

永平府志

卷首

凡例

四

一封域志子目有九曰疆界曰形勝曰星野曰山川曰屯社曰風俗曰物產曰古蹟曰記事其退星野於疆界形勝後者蓋九州分野之說古多聚訟非若土域之有憑後漢書包星野於地理中有以也名人堂兆亦古蹟所繫故附於古蹟之後一建置志子目有八曰城池曰公署曰學校曰壇廟祠宇曰關隘曰倉儲曰惠政曰驛遞邊城堡鎮附

之城池學宮書院義學學田鄉賢名宦祠附之學校寺觀附之壇廟祠宇津梁附之關隘使各有所統免形煩碎

一武備志子目有三曰營制曰邊防曰海防即以海運附之存故跡也至八旗駐防如喜峯冷口永平山海等處皆爲副都統所轄其兵額操防已見於職官表不復贅

一賦役志子目有六曰戶口曰人丁曰田賦曰經費曰起運曰鹽法俱以賦役全書長蘆志開載至其歷年奏銷不同前後增減有異亦惟憑科房冊檔爲準

永平府志

卷首

凡例

五

一採錄諸史各傳生於此者首尾備錄宜於此者則節錄其有關斯地之事昭限制也

一舊志有仙釋一門亦沿俗而然晉書藝術傳溷以佛圖澄鳩摩羅什諸人遂爲魏書釋老志作之偏識者譏之茲削去其目而以其行事少著者歸之志餘庶人知風教有所重云

一陸稼書先生靈壽志不載寺觀亦崇正闢邪之義然神道設教先王不廢且緇黃所聚山巔水涘每爲騷人墨客所留連茲聊當古蹟存之可也

一史家列傳僑林與文苑例分兩途舊志止立文苑一目與武功相對殊屬偏枯茲以文學概之冀文人學人併包無遺也

一獎勵風俗莫先於孝然亦最難憑信惟稱自宗族信於鄉黨始爲真確故志中所載止得數人若女子不嫁以養親男子割股以療疾雖失中庸之道要其肫誠至性未可抹煞故亦敘入以示勸勵

一舊志紀事自晉永和元年以後卽以燕年紀之蓋以斯地爲燕土域是年燕始不用晉年號自稱十二年故也然當時段遼石虎屢相攻襲斯地尙未

永平府志 卷首 凡例

六

全爲燕有且典午未滅卽以統系歸之偏竊終非綱目書法茲仍以晉紀年註燕年於下晉亡則以止魏統之亦以大統小之義至遼金元三朝斯地皆非中華所有則以遼金元紀年而以五代宋年號註於其下以便考核又不得拘拘於紫陽書法也

一康熙志有后妃一門乾隆志刪之謂其牽涉無謂而石恪妃傳援引夢異報應之說頗涉不經未爲無見然燕之段氏實出令支而遼史於蕭后不畧何許人契丹國志則明著爲平州人且其事

迹與遼史所載大異康熙志不知據契丹國志而徒據遼史宜來牽涉之譏也茲據十六國春秋契丹國志后妃本傳復行補入又增段氏蕭氏各一人與魏保太后間序置之列女之前至恪妃誕生之異已見於灤州二副使維嶽傳下故不復與偏竊諸后妃同列蓋恐其褻尊云

一康熙志以夷齊爲先聖韓文公爲先賢文公墓產也其封昌黎伯蓋以門望故且唐以前之昌黎非今之昌黎也乾隆志因今之昌黎立廟設祀已久仍徇俗而收其本傳考新舊唐書俱稱公爲河南

永平府志 卷首 凡例

七

鄧州人於斯地何涉况文公卽生於河南子孫不無遷徙今浙江西安有孔氏世襲豈必援尼爲古越人乎故於封廕門詳載韓氏世襲而文公本傳則創而不登

一康熙志有寶璣傳乾隆志創之蓋以魏書稱爲遼西遼陽人也考魏書地形志遼西有陽樂無遼陽北史稱爲陽洛人陽洛卽陽樂魏書當是筆誤故據北史收之

一舊志選舉載有金之任詢註云義豐人考金史詢爲易州平市人康熙志謂其歸田後寄居灤州卒

葬其地子孫遂爲灤州人至今灤州尙有詢墓明時有任惠是其裔也茲將金史本傳收入而詳其緣始於下選舉內則削其名蓋以登第時原非灤人也

一舊志有張穀傳穀作覺遼史無傳金史列之叛臣傳宋史附之姦臣傳覺與金並未稱臣何得云叛於宋方始通款金卽以納叛責宋宋藏匿不得遂殺之以謝是宋負覺非覺負宋也何得云姦覺亦奇寃也哉當其定平州之亂也遼主已走山西覺知遼必亡籍丁壯馬匹練兵爲備金人使康公弼

永平府志 卷首 凡例

入

與語詭辭以紿之繼因燕民之訴殺左企弓等四人復稱保大三年納款於宋亦不過爲自固計耳非眞忠於遼也就其行事窺其志趣在金不得云叛臣在宋不得云姦臣在遼亦不得云忠臣也舊與鄉賢並列終覺未允茲存其子謹言傳而覺傳從刪

一舊志名宦有楊鎬楊嗣昌范志完鄉賢有高第各傳四人俱以兵事之失有誤國是其罪著於明史然觀舊志所載楊范三人似不無遺愛在人高第事跡又旁見於通志名宦傳且崇祀鄉賢其

善亦似有難沒茲仍舊存之庶功不以過掩取人固不可過溢論古亦豈容過苛節而取之惟閱者諒焉

一舊志有傳斷不敢輕爲刪削惟某縣一顯宦事著明史闕黨傳舊志稱其不附權貴大約沿康熙縣志之謬實是曲筆故存其官階於選舉內而去其傳

一舊志藝文載石副使墓誌一篇稱爲應山楊漣撰與明史時事不合且文筆舛陋當是後人僞造故不錄

永平府志 卷首 凡例

九

一志中各門凡正文不能全載者必據書夾註其間或總註其下管窺所及間有辨析率以案字領之總期人有本末事有源委足以備一方之掌故發後世之勸懲而已武功朝邑之簡不敢效顰

一志中新事或得自官司查報或得自士紳採訪隨到隨錄惟人是憑其有無遺漏冒濫殊不敢知至於參訂古書凡正史別史及古今名家記載詩文家中所藏與外借所及者無不極力搜討親自補正絕不敢假手他人載筆既愧不文集益亦殊未廣並附識之以俟正於博雅君子

一疆域圖縱橫開方總圖每方二十五里斜長三十

五里分圖每方十五里斜長二十一里各屬山水

止繪其大者村莊止繪交界處餘從省府州縣治

有門作跼邊城用袞方圖作回堡用單方圖作□

集鎮用袞圓圖作○界上村莊用單圓圖作○

樂亭史夢蘭謹識

永平府志

卷首

凡例

十

辨誤

虞分青州東北爲營州考諸書皆無碣石以東字舊志疑是臆增

灤州馬城至唐始置縣舊志紀事引漢安帝元初六年

鮮卑寇馬城此今朔平府之馬邑縣也誤

遼之長春宮在今關外長春廳與金之長春宮不同地

舊志遼金並引誤

晉封段勿塵在懷帝時舊作穆宗誤且東晉有穆帝無

穆宗

元魏嬰文封建德公鎮遼西舊志作遼西公誤

永平府志

卷首

辨誤

遼平王道隆舊誤作隆先

元北平王南木合卽那木罕舊分作二人誤

晉平州非今府境北平與漢不同亦無今府境地舊志

職官引晉平州刺史鮮于嬰慕容廆北平太守陽裕

楊鉉誤且鮮于嬰誤作鮮于安

晉朝鮮縣在遼東至元魏始僑置於此舊志職官引朝

鮮令孫洙誤

五代前營州不在此舊志職官引魏營州刺史張偉陸

士懋唐營州都督張儉誤

唐平州刺史張仲素史無其人蓋因張仲武張公素二

人而誤顧亭林已辨之

金史移刺福增同知興中府事舊志引作興平府誤

元劉整乃宋之降將元稱其降元後宋荆湖制置李庭

芝以金印牙符授整漢軍都元帥盧龍軍節度使封

燕郡王爲書使送整所期以開整非眞除官也舊志

竟大書曰元盧龍節度使劉整尤爲鹵莽

魏平州刺史王買奴舊誤作遼西太守北平太守宋景

業舊誤入北齊唐北平太守裴旻舊誤作平州刺史

魏遼西公常英遼西太守于天恩英以外戚得封史稱

其贖貨並無善政天恩附于勁傳後止載其官爵舊

永平府志

卷首

辨誤

二

志列名宦不知何據

唐平州刺史鄒保英附見唐書列女傳乃因其妻得名

者止可列之職官何得廁諸名宦

唐齊澣定州義豐人灤州與所領義豐縣俱至遼始置

舊因史有義豐字遂攔入灤州直書曰灤州人不知

唐時此地尙無灤州義豐之名也誤

金王擴史稱中山永平人乃永平縣人也舊因永平人

遂改爲平州人不知金時平州尙無永平之名也誤

金興平軍節度使劉麟諫子也知濟南府事齊國建以

濟南爲興平軍麟爲節度使見劉麟傳此與平州之

興平軍異舊志引之誤

遼遼興軍節度使阿林原作阿瑾詳遼史皇子表舊志

作阿捷誤

漢肥如侯蔡成誤作蔡戎魏遼西公賀盧誤作賀賴盧

肥如侯馮熙誤作馮燕遼西公常英之祖亥誤作海

後周北平侯和洪誤作和雄唐遼西王高文簡誤作

交簡魏遼西太守宋謀誤作宋謀柳粹誤作柳粹右

六肱誤作右文肱後周平州刺史李遷哲誤作昌哲

金罷平州椿配鹽課事見食貨志舊志椿作椿誤

元文宗時西域軍士居永平灤州者人給鈔三錠見本

永平府志

卷首

辨誤

三

紀舊志西域作西城誤

遼道宗改元壽隆舊志於齊陶傳及紀事中皆引作壽

昌誤

明有陝西無甘肅湖南北合稱湖廣今奉天稱遼東江

南稱直隸舊志於勝朝數省人籍貫皆稱今名誤

以上諸條紕謬者俱已改正至其字之魯魚亥豕或

係傳寫之謬非盡秉筆者之過也原無庸深辨因前

二志相沿不改以非爲是後人且將以是爲非矣故

悉條辨如右

夢蘭又識

永平府志目錄

卷首

凡例

辨謫

巡幸恩賚

敕諭

宸翰

行宮

卷一

疆域總圖

永平府志

卷首 目錄

疆域分圖

府城圖 盧龍附郭

州縣城圖

府治圖

府學宮圖

河道圖

邊城圖

邊口圖

卷二

沿革表

境內諸水歸合表

卷三

歷代封爵表

卷四

歷代職官表

卷五

明職官表 文秩

卷六

明職官表 武秩

卷七

永平府志

卷首 目錄

國朝職官表 文秩

卷八

國朝職官表 文秩下

卷九

國朝職官表 武秩

卷十

國朝職官表 駐防 裁缺附

卷十一

選舉表 文科上

卷十二

選舉表 文科中

卷十三

選舉表 文科下

卷十四

選舉表 武科

卷十五

選舉表 職員 行伍 封贈 廕襲附

卷十六

列女表 上

卷十七

列女表 中

卷十八

列女表 下

卷十九

封域志一 疆界 形勝 星野 山川

卷二十

封域志二 山川

卷二十一

封域志三 山川

卷二十二

封域志四 山川

卷二十三

封域志五 山川

卷二十四

封域志六 山川

卷二十五

封域志七 屯社 風俗 物產

卷二十六

封域志八 古蹟上

卷二十七

封域志九 古蹟下

卷二十八

封域志十 邨墓附

卷二十九

封域志十一 紀事上

卷三十

封域志十二 紀事中

卷三十一

封域志十三 紀事下

卷三十二

永平府志 卷首 目錄



永平府志 卷首 目錄



建置志一 城池上

卷三十三

建置志二 城池下

卷三十四

建置志三 公署上

卷三十五

建置志四 公署下

卷三十六

建置志五 學校上

卷三十七

永平府志 卷首 目錄

建置志六 學校下

卷三十八

建置志七 壇廟祠宇上

卷三十九

建置志八 壇廟祠宇下

卷四十

建置志九 寺觀附上

卷四十一

建置志十 寺觀附下

卷四十二

建置志十一 關隘 津梁

卷四十三

建置志十二 倉儲 惠政 驛遞

卷四十四

武備志 營制 邊防 海防 海運附

卷四十五

賦役志 戶口 人丁 田賦

卷四十六

賦役志 經費 起運

卷四十七

永平府志 卷首 目錄

賦役志 鹽法

卷四十八

藝文志

卷四十九

列傳一 名宦 漢書至元史

卷五十

列傳二 名宦 明史

卷五十一

列傳三 名宦 明史

卷五十二

列傳四 名宦四

卷五十三

列傳五 名宦五

卷五十四

列傳六 鄉賢一 史記至唐書

卷五十五

列傳七 鄉賢二 宋史至明史

卷五十六

列傳八 仕蹟一

卷五十七

永平府志 卷首 目錄

列傳九 仕蹟二

卷五十八

列傳十 仕蹟三

卷五十九

列傳十一 仕蹟四

卷六十

列傳十二 行誼一

卷六十一

列傳十三 行誼二

卷六十二

列傳十四 行誼三

卷六十三

列傳十五 文學上

卷六十四

列傳十六 文學下

卷六十五

列傳十七 忠烈

卷六十六

列傳十八 隱逸 耆壽 流寓 方伎

卷六十七

永平府志 卷首 目錄

列傳十九 后妃

卷六十八

列傳二十 列女上

卷六十九

列傳二十一 列女中

卷七十

列傳二十二 列女下

卷七十一

志餘 上

卷七十二

志餘下

卷末

舊志序跋姓氏

永平府志

卷首目錄

九

永平府志卷首

巡幸恩賚

順治元年秋九月

世祖章皇帝入關經永平

駐蹕城外撫安各州縣

賞賚文武官有差

十一年以永平饑

遣吏部侍郎佟代大理寺卿郝傑齎銀布賑之

十五年夏五月

遣刑部尙書白引謙啟心郎巴格賑永平饑

永平府志

卷首巡幸恩賚

一

康熙六年秋九月丁巳

聖祖仁皇帝幸遼安

駐蹕城南謝留莊戊午由清節祠

駐蹕灤河西已未

駐蹕灤州南巖山庚申

駐蹕錢家營辛酉回

鑾

七年

詔發帑賑永平饑

九年冬十月

上幸三屯

駐蹕東寨文武官朝見

命武臣自副將以下較射

賜宴

賜題知之爲知之不知爲不知是知也面試知府葉興

周

命大學士哲那庫評閱其文次日

幸永平

駕由北門入自西門出

駐蹕於灤河西

永平府志

卷首

巡幸恩賚

十年秋九月

上東幸謁

陵

駐蹕於灤河西登舟觀漁

召見盧龍知縣魏師段面詢以愛民之實及其鄉貫奏

對稱

旨冬十一月乙巳謁

陵回由北門入自西門出仍

駐蹕於灤河之西次日回

鑾

詔免灤盧遷撫地丁錢糧

十二年

詔免田租十分之三

二十一年

詔免地丁錢糧

二十四年樂亭縣水災

詔免未完民欠銀米草束其順永保河未經圍佔地方

應徵地丁各項正賦俱免三分之一

二十五年

詔免未完民欠錢糧

永平府志

卷首

巡幸恩賚

二十六年

詔免地丁錢糧

二十七年

詔賞八十九十百歲老人銀米絹肉有差

二十八年冬十月

上送

孝懿仁皇后梓宮至

陵幸米峪口

狩於九山

二十九年